

nr. 14

BVLLA  
REDVCTIONIS GE  
NERALIS CONCILII AD CIVITA  
tem Tridentinam cū monitione, & requi  
sitione Prælatorum, ad illius profes  
sionē, p. S. D. N. D. IVLIVM  
III. PONT. MAX.



ROMAE. M. D. L. I.



**BVLLA**  
**REDVCTIONIS GENERALIS CON-**  
**cilii ad Ciuitatem Tridentinam cum monitio**  
**ne, & requisitione Prælatorum, ad illius**  
**profecutionē, p S. D.N. IVLIVM**  
**III. PONT. MAX.**

**IVLIVS EPISCO.**  
SERVVS SERVORVM DEI AD FVTV  
ram Rei memoriam. CVM ad tollenda religionis no  
stræ dissidia, quæ in Germania longo tempore non si  
ne totius Christiani orbis perturbatione & scandalo  
vigerunt; bonum, opportunum, & expediens esse  
videatur (sicuti etiam charissimus in Christo filius no  
ster Carolus Romanorum Imperator semper Augu  
stus, nobis per suas literas & nuncios significari fecit)  
vt sacrum æcumenicum generale Concilium per fe  
re. Paulum Papam III. prædecessorem nostrum indi  
ctum, & per nos tunc Cardinalatus honore fungētes,  
atq; ipsius prædecessoris nomine, vna cum duobus  
aliis Sanctæ Romanæ Ecclesiæ Cardinalibus ipsi Con  
cilio præsidentes, inceptum, ordinatum, & continuat  
atum (in quo plures publicæ & solēnes habitæ fuerūt  
sessions, pluraq; tam in causa fidei, quam reformatio  
nis promulgata decreta, multaq; etiam ad vtrāq; cau  
sam pertinentia examinata & discussa) ad Ciuitatem  
Tridentinam reducatur. Nos, ad quos & summos pro  
tempore Pontifices spectat generalia Concilia indice

re & dirigere, vt Ecclesiæ pacem, & Christianæ Fidei  
atq; orthodoxæ religionis incrementum ad omnipotē  
tentis Dei laudem & gloriam procuremus, & quantū  
in nobis est, tranquillitati ipsius Germaniæ (quæ sanē  
prouincia retroactis temporibus in vera religione, ac  
sacrorum Conciliorum, & sanctorum Patrum doctri  
na excolenda, exhibendāq; maximis Pontificibus Chri  
sti Redemptoris nostri in terra Vicariis debita obedi  
entia & reuerentia, nulli Christianorum prouinciæ  
fuit vnquam secunda) paternè consulamus, sperantes  
per ipsius Dei gratiā & benignitatem futurum, vt Re  
ges omnes ac Principes Christiani, iustis, pijsq; no  
stris in hac re votis annuant, faueant, atq; assistant:  
Venerabiles fratres Patriarchas, Archiepiscopos, Epis  
copos, & dilectos filios Abbates, omnesq; alios & sin  
gulos, qui de iure vel consuetudine vel priuilegio Cō  
ciliis generalibus interesse debent, quosq; idem præ  
decessor noster in suis indictionis & aliis quibuscūq;  
desuper confectis & publicatis literis, Concilio inter  
esse voluit: per viscera misericordiæ Domini Nostri  
IESU CHRISTI hortamur, requirimus, & mone  
mus, vt proximis futuris Kalendis Maii (quem diem  
ad ipsum Concilium in eo, in quo nunc reperitur stas  
tu, resumendum & prosequendum, præuia matura de  
liberatione, & ex certa nostra scientia, & de Apostolis  
cæ auctoritatis plenitudine, ac Venerabilium fratrum  
nostrorum eiusdem Sanctæ Romanæ Ecclesiæ Cardis  
nalium consilio & assensu, statuimus, decernimus, &  
declaramus) in ipsa Ciuitate Tridenti, legitimo cessan  
te impedimento, cōuenire, & se congregare, ac ipsius

Conciliū continuationi & prosecutioni, omni mora postposita, incumbere velint. Nos enim operam sedulo daturi sumus, vt eodem tempore, in eadem Ciuitate nostri omnino adsint Legati, per quos, si per aetate nostram, valetudinēq; & Sedis Apostolicæ necessitates, personaliter adesse nequiverimus, Spiritu sancto duce, ipsi Concilio præsidebimus: quacumq; ipsius Concilii translatione & suspensione, cæterisq; contrariis non obstantibus quibuscūq; ac præsertim illis quæ idem prædecessor noster in suis literis prædictis, quas cum omnibus & singulis in eis contentis clausulis & decretis, in suo robore permanere volumus atq; decernimus, & quatenus opus sit innouamus: voluit non obstare. Irritum nihilominus decernentes & inane, si secus super his à quoquam quauis auctoritate scienter vel ignoranter cõtingerit attentari. Nulli ergo omnino hominum liceat hanc paginam nostrorum hortationis, requisitionis, monitionis, statuti, declarationis, innouationis, voluntatis, & decretorum infringere, vel ei ausu temerario contraire. Si quis autem hoc attentare præsumpserit, indignationem omnipotentis Dei, ac Beatorum Petri & Pauli Apostolorum eius, se nouerit incursum. Datum Romæ apud sanctum Petrum, Anno incarnationis Dominicæ Millesimo Quingentesimo Quinquagesimo, Decimo octauo K<sup>l</sup>. Decembris. Pontificatus Nostri Anno Primo.

M. Card. Crescen.

Rom. Amasæus.

R. de Sainct Marsal.

ANNO à natiuitate Domini Millesimo Quingentesi

mo, Quinquagesimo Primo, Indictione nona, die vero  
prima mensis Ianuarii, Pontificatus S. in Christo Pa-  
tris & D. N. Dñi Iulii diuina prouidentia Papæ III.  
Anno eius Primo. Retroscriptæ literæ, alta & intelli-  
bili voce, lectæ fuerunt in Basilica sancti Petri de vrbe,  
dum ibidem de mane diuina celebrabant, & populi  
multitudo ad diuina audienda conuenerat, per me Io-  
annem Roillard, præfati Sanctissimi Dñi nostri Papæ  
Cursoré, & deinde affixæ in valuis ipsius Basilicæ p me  
eundem Ioannem, & Maturinum Menandi Cursores,  
& affixas per aliquod temporis spatium stare permis-  
imus, & deinde amouimus, copiam earundem cū ori-  
ginali auscultatam affixam dimittendo.

EISDEM Anno, Indictione, & Pontificatu, ac die  
quibus supra:supradictæ literæ lectæ fuerunt alta & in-  
telligibili voce in Basilica Sancti Ioannis Lateranē.  
hora vesperoz, dum ibidem populi multitudo ad di-  
uina audieñ. conuenerat, per me eundem Ioannem Roil-  
lard Cursorē, & deinde valuis dictæ Basilicæ, affixæ  
p nos eundem Ioannem Roillard, & Maturinum Me-  
di prælibati Sanctissimi Dñi Nri Papæ Cursores, & sic  
affixas per aliquod tempois spatium stare permisimus  
deinde amouimus, copiam cum originali auscultatam  
ibidem affigendo & dimittendo.

Ita est. Ioannes Roillard Cursor subscripti.

Ita est. Maturinus Menandi Cursor subscripti.

Ita est. Medardus Nicolai Cursor subscripti.

Adrianus de Cuppis Magister Cursorum subscripti.

Registrata apud Romulum Secretarium.

# IULIUS PAPA III.

**A**D Futuram Rei memoriam. Superioribus diebus de venerabilium fratrum nostrorum S. R. E. Card. consilio, ex causis tunc expressis, Apostolica auctoritate decreuimus, quod sacrum ecumenicum vniuersale Concilium, Tridentum vbi olim inceptum fuerat, reduci, & ibi adiuuante Domino terminari deberet, tempusque ad illud resumendum & prosequendum, kl. Maii proxime futuri prefiximus, omnesque & singulos quomodolibet in eo interesse debentes hortati fuimus & monuimus, vt dicto tempore Tridenti esse vellent: prout in nostris sub plumbo desuper expeditis literis plenius continetur. Ne autem propterea quod dictae litterae nondum publicatae fuerunt, aliqui ignorantiam rei villo modo pretextere possint, sed omnes plenam illius notitiam habeant, dicta auctoritate per presentes ordinamus, quod tam praedictae, quam praesentes litterae per aliquem ex nostris Cursoribus in Basilicis sancti Petri de Vrbe & sancti Iohannis Lateranensem, dum inibi diuina celebrantur, publice, ac alta & intelligibili voce legantur: & postquam lectae fuerint, valuis ipsarum basilicarum affigantur: & inibi aliquandiu dimittantur, & relicta postea illarum copia, amoueantur. Decernentes publicationem sic faciendam, omnes & singulos ipsius Concilii celebrationi quomodolibet interesse debentes perinde arctare, ac si eis personaliter intimatae fuissent. Quoque ipsarum litterarum transumptis, etiam impressis, manu alicuius Notarii subscriptis, ac sigillo

personę in dignitate Ecclesiastica constitutę munitis,  
eadem prorsus fides adhibeatur, quę ipsis originalibus  
adhiberetur. Ac hortantes, & in Domino requir-  
rentes omnes & singulos venerabiles fratres nostros,  
Patriarchas, & Archiepiscopos, ad quos ipsarum lites-  
rarum exempla impressa transmitti curabimus, vt pro  
suo officio & debito, id eorum suffraganeis, & aliis mi-  
noribus Prælatibus & abbatibus notificent. Contrariis  
non obstantibus quibuscunq;. Datum Romę apud  
sanctum Petrum sub Anulo Piscatoris, Die xxvii.  
Decēbris, M. D. LI. Pōtificatus Nri Anno Primo.  
Gal. Aquinas.

Anno a Natiuitate Domini Millesimo Quingentesi-  
mo Quinquagesimo primo, Indictione Nona, die uero  
prima Mensis Ianuarii, Pōtificatus Sanctissimi in Chri-  
sto Patris & Domini nostri Dni I V L I diuina prou-  
dentia Papę. I I I. anno eius primo. Retroscriptę li-  
terę, alta & intelligibili uoce, lectę fuerunt in Basili-  
ca sancti Petri de Vrbe, dum ibidem de mane diuina  
celebrabantur, & populı multitudo ad diuina audicn-  
conuenerat, per me Ioannē Roillard, præfati Sanctis-  
simi domini nostri Papę Cursorem, & deinde affixę in  
uallıs ipsius Basilicę per me eundem Ioannem, & Ma-  
turinū Menandı, prælibati Dni nostri Papę Cursores  
& sic affixas per aliquod temporis spatium stare permi-  
simus, & deinde amouimus: Copiam earundem cum  
originali auscultatam dictis uallıs affigendo & dimitt-  
tendo.

Eisdem Anno, Indictione, die, mense, & Pontificatu

quibus supra, eadem retroscripta litera similiter lecte  
fuerunt, & publicata in Basilica sancti Ioannis Latera  
nen. dum ibidem hora Vesperorum diuina celebraba  
tur, & populi multitudo ad diuina audienda couene  
rat, per me Ioannem Roillard praefati Sanctissimi Do  
mini nostri Papae Cursores, & deinde affixa in valuis  
iusus Basilicae per me eundem Ioanne Roillard & Ma  
.....a Menandi, praelibati Domini nostri Papae Curz  
fores, & sic affixas per aliquod temporis spatium stare  
permisimus, & deinde amouimus: Copiam earunde  
cum originale auscultatam ibidem affigendo & dimit  
tendo.

Ita est. Ioannes Roillard Curfor subscripsi.

Ita est. Maturinus Menandi Curfor subscripsi.

Ita est. Medardus Nicolai Curfor subscripsi.

Adrianus de Cuppis Magister Curforu subscripsi.

Romae apud Ant. Bladum Impressorem Cameralem.